

Julhet-agost de 2000

N° 44

Plumalhon

Lo lop

MAINATGES D'ÒC



Contes
Lo caçador de lops

Reportatges
Los lops...

Jòcs

Istòria
La bèstia...



L'alabrena



L'alabrena (o blanda) a lo còs negre, lusent, coma anelat. A de marcas o tacas de color rosselosa sus l'esquina e pels costats. Van del cap a la coa, irregularas o en formant doas longarinadas mai o mens contunhas segon las regions. Las alabrenas mesuran un vintenat de centimètres.

L'alabrena es presenta sus l'ensemble del territòri francés, Corsega compresa. Se'n pòt trobar fins a 1250 mètres d'altitud, dins las forèstes de folhuts mai que mai, mas dins los bòsques de conifèrs tanben e còsta los rius.

Es una bèstia del solelh-còlc e de la nuèch : es activa pendent las nuèches doças e umidas.



Las alabrenas son de bèstias discrètas que se desplaçan lentament. Lo jorn, s'amagan dins qualche tanc, jos una pèira o dins una tuta de rosegaire. Las alabrenas ivèrnan, dins un estat de vida ralentit.

Las alabrenas son ovoviviparas, an pas de periòde de reproduccion precis. Segon las condicions



climaticas, los acoblaments se pòdon produsir tot lo long de l'annada. Puèi la femèla va pausar sas larvas dins un riu o dins una font d'aiga canda e plan oxigenada. Las larvas an de branquias extèrnas d'aspècte plumós. La coa es provesida d'una membrana plan utila per se desplaçar dins l'aiga. Es pas qu'al cap de 4 o 6 meses que las larvas sortiràn de l'aiga.

Las alabrenas an la reputacion d'èsser d'amfibians plan goluts. S'avidan de vèrms, de limaucas, d'insèctes. A l'estat de larvas, dins l'aiga se contentan de crustacèus microscopics, de vèrms e de larvas d'insèctes.

L'alabrena es un animal protegit.

